

## BOSCH PERKENALKAN PEMUTAR SKRU PALING KECIL DI DUNIA

Padat dengan ciri-ciri yang hebat, pemutar skru tanpa wayar GSR Professional dari Bosch ini merupakan sebuah alatan tangan yang mengagumkan. Hanya 500g berat dan cukup kecil untuk dibawa ke mana-mana sahaja, malah juga diletakkan dalam poket bahu dan seluar anda. Alatan tangan baru ini dapat mengikat sebanyak 110 batang skru menggunakan bateri lithium-ion yang boleh dicas semula. Ciri-ciri lain yang boleh didapati pada GSR adalah seperti fungsi putaran terbalik, pemacu sensitif dan "speed-brake" sedia ada bagi hasil kerja yang lebih tepat dan lampu LED yang terang bagi memudahkan kerja di tempat yang gelap atau di waktu malam.

Salah satu kunci kepada prestasi GSR adalah teknologi bateri lithium-ion inovatif Bosch yang menawarkan tempoh operasi tanpa bandingan dan 400% jangka hayat yang lebih lama. Bateri ini turut menawarkan pengurusan penggunaan kuasa yang bijak dan Electronic Cell Protection (ECP), di mana ia membantu melindungi bateri dari menerima bebanan berlebihan, lampau panas dan juga nyahcas bateri.



## PERMULAAN YANG BAIK BUAT MUTIARA MOTORS M7

Sangat tempatan bertaraf dunia ini tidak memerlukan sebarang pengenalan lagi. Mutiara Motors Sdn Bhd telah lama menjadi pemain utama dalam industri automotif negara semenjak tahun 1982 dan hingga kini mereka telah mencapai kejayaan yang amat cemerlang. Pencapaian mereka turut membawa kepada penglibatan mereka sebagai penaja utama bagi pasukan lumba dan drift Jepun.

Baru-baru ini, pasukan Mutiara Motors M7 RE-Amemiya RX-7 mereka telah mencapai keputusan yang memuaskan dalam Pusingan 1 pertandingan D1GP yang telah diadakan di Litar Ebisu di Fukushima, Jepun. Pemandu jentera No.7 tersebut

adalah Masao Suenaga, adik kepada salah seorang pemandu terkemuka D1GP, Naoto Suenaga. Masao telah mempamerkan prestasi yang begitu baik dan telah berjaya mengumpul sebanyak 13 mata kejohanan untuk pasukan tersebut.

Selain daripada itu, pasukan Mutiara Motors M7 RE-Amemiya Racing juga telah mempamerkan prestasi yang begitu cemerlang dengan mendapat keputusan podium dalam pusingan pembukaan kejohanan Super GT musim 2009, dalam kategori GT300.



## PAMERAN 'MY AUTO LIFESTYLE' BRABUS @ THE CURVE



# BRABUS®

Naza-Brabus Motors Sdn Bhd bakal turut serta mengambil bahagian dalam pameran bergerak "My Auto Lifestyle" bermula dari 20 - 24 Mei 2009, bertempat di Concourse Area, The Curve Shopping Centre. Para pengunjung berpeluang melihat dengan lebih dekat kemewahan sofistikated beberapa model terpilih Brabus dan juga aksesori serta cenderamata eksklusif Brabus di pondok pameran mereka.

Tawaran serta promosi yang menarik seperti lawatan percuma ke Jerman untuk 2 orang bernilai RM50,000, Apple iPhone 3G bernilai RM2,888, pakej Diamond Spa bernilai RM2,000 dan juga cenderamata Brabus bernilai RM1,000 boleh dimenangi di pameran tersebut yang bermula dari jam 10 pagi hingga 10 malam. Sesi pandu uji juga dapat diatur atas permintaan pelanggan. Pastikan anda tidak melepaskan peluang hebat ini!